

明  
清  
史  
料  
丙編  
第十本



明清史料目錄

丙編第十本

九百零一至一千葉

|            |     |                |     |
|------------|-----|----------------|-----|
| 吏部殘題本      | 九〇一 | 廣西巡撫于時躍揭帖      | 九〇〇 |
| 戶部題本       | 九〇二 | 戶部殘題本          | 九〇三 |
| 吏部殘題本      | 九〇四 | 兵部殘揭帖          | 九〇三 |
| 江西巡撫殘件     | 九〇五 | 四川巡按高民瞻揭帖      | 九〇六 |
| 平西王吳三桂等題本  | 九〇六 | 湖廣總督祖澤遠揭帖      | 九〇六 |
| 湖廣總督祖澤遠題本  | 九〇七 | 刑部等衙門題本        | 九〇九 |
| 平南王揭帖      | 九〇九 | 陝川總督馬之先揭帖      | 九一一 |
| 戶部題本       | 九一〇 | 戶部殘題本          | 九一三 |
| 兩廣總督李率泰揭帖  | 九一二 | 解任回京湖廣總督祖澤遠殘題本 | 九一三 |
| 戶部題本       | 九一四 | 戶部殘題本          | 九一四 |
| 廣東巡按張純熙題本  | 九一六 | 廢宗朱功鉉號召江西好漢案殘件 | 九一五 |
| 陝川總督致仕金礪揭帖 | 九一八 | 平南王揭帖          | 九一八 |
| 四川巡按高民瞻揭帖  | 九一九 | 宣大巡按翁祖望密揭帖     | 九一九 |

四川巡撫李國英揭帖

九四〇

陝川總督李國英揭帖

九五九

四川巡撫李國英揭帖

九四三

貴州巡撫趙廷臣揭帖

九六三

刑部等衙門殘題本

九四三

湖廣總督李蔭祖揭帖

九六三

戶部殘題本

九四四

貴州巡撫趙廷臣密揭帖

九六六

湖廣總督李蔭祖揭帖

九四五

義王孫可望密奏本

九六七

靖平南王揭帖

九四六

廣西巡按李秀揭帖

九六八

偏沅巡撫袁廓宇題本

九四七

四川巡按張所志揭帖

九六九

偏沅巡撫袁廓宇揭帖

九四八

河南巡按李粹然揭帖

九七一

直隸巡撫董天機揭帖

九四九

平西王吳三桂奏本

九七三

陝川總督李國英揭帖

九五二

陝川總督李國英揭帖

九七四

四川巡撫高民瞻揭帖

九五三

陝西巡撫張自德等揭帖

九七六

南贛巡撫修國器揭帖

九五五

廣西巡撫于時躍揭帖

九七七

兩廣總督王國光揭帖

九五五

陝西巡撫張自德等揭帖

九八一

定南王旗右翼總兵全節揭帖

九五五

廣東巡按張問政揭帖

九八三

貴州巡撫趙廷臣揭帖

九五七

貴州巡撫卞三元揭帖

九八五

雲貴總督趙廷臣揭帖

九六

四川巡按張所志揭帖

九七

兩廣總督李棲鳳揭帖

九八

廣西巡按李秀揭帖

九九

兵部督捕右侍郎陳協等題本

九一

部議洪承疇宜與世襲官職殘題本

九二

招撫流賊餘孽劉二虎等詔

九三

布告擒獲永曆詔

九四

禮部殘題本

九五

僞光澤王朱儼鐵等事關題請殘件

九六

史書殘本

九七

戶部題本

1000

# 明清史料

## 丙編第十本

九百零一至一千葉

### 吏部殘題本

太子太保吏部尚書臣宗室韓岱等謹題爲俯賜咨部事考功清吏司案呈奉大部送吏科抄出總督湖廣等處地方軍務兼理糧餉太子少保兵部尚書兼都察院右副都御史祖澤遠題前事內開順治拾貳年拾月貳拾貳日據湖廣左布政使張鳳儀呈奉臣牌准吏部咨考功清吏司案呈奉本部送准正紅旗烏金超哈固山額真王咨稱原任偏沅巡撫今革職線縉呈前事內稱本年捌月內具本跪奏爲微臣盡瘁保危冤遭誣黜遵詔瀝陳仰祈上鑒事於初貳日奉旨烏金超哈註誤罷職官員應聽該管固山咨部行察前旨甚明線縉何得自行瀆奏該部知道欽此理合具呈固山額真伏乞咨部行察施行等因到固山該固山看得線縉其原叅革職緣由果否註誤始末情節本固山不能盡知因奉有聽該管固山咨部行察之旨理合咨送等因到部送司查得烏金超哈註誤罷職官員奉有該管固山額真梅勒章京印咨送部該部咨行督撫察明緣由確議具奏之旨欽此今本官是否註誤相應抄發原疏咨該督撫察明緣由具奏另議等因案呈到部備咨前來隨行本司移會按察司確查去後准移詳案到司查得偏撫線縉一案准臬司移會詳內云稱先因駐劄長沙湘潭失守事犯赦前再查赦後又借請兵爲名移次岳州前經該司詳請達部是以部覆革職折納贖身銀壹百陸拾兩奉旨依議在案此順治陸年間擬之事也但查陸年至今兩逢恩赦應否開原援例請題惟在憲臺酌裁非本司所敢擅專者等因奉批既奉部咨自應確具勘語何云未敢輕議仰再妥詳以便咨覆繳

又奉袁偏院牌爲咨催事行司會同按察司將前院線給原案細繹始末情由果否註誤與恩詔之例會否相合一一確議妥當一詳總督部院一詳本院以憑會題慎勿遲緩速奉此又經移准該司查得偏沅巡撫線給一案前准移查本司隨將偏撫始末原案移復貴司自應酌議詳報今又准照會移查遇恩緣由卽本司所查亦不過原案此外別無可查矣但偏撫線給緣事在順治陸年及今恩詔屢頒應否援例是在貴司酌議加勘轉詳等因准此該本司查得信賞必罰乃朝廷勸懲之典而由後邇前惟當日原案是稽誰敢少有隱徇妄爲出入者原任偏撫線給之任湖南也先以失陷長沙湘潭事犯赦前再查赦後又以請兵移次岳州經前任臬司詳請達部是以部覆革職折納贖身銀兩奉旨依議在案前奉屢駁故本司屢移臬司確查據其所移覆者不過當日原案非如年淺日近之事而又有可查之處者則本司之所覆報者亦豈能舍臬司所移復原案而妄置一詞也今復奉檄令本司查其果否註誤與恩詔合例與否夫查其緣事始末在順治陸年之前屢奉恩詔有日矣本司但查照本律之條而議貴在焉律載凡八議者犯罪實封奏聞取旨不許擅自勾問若奉旨推問者開具所犯應議之狀先奏請議議定奏聞取自上裁是以前司初案亦援是例止開犯事實跡緣由內部方有贖身之議豈前司所不敢議者本司敢擅議哉至於是是否註誤是在憲臺及內部查照原案使功使過議奪可耳等因奉批查部文有咨行督撫察明緣由確議具奏之（下缺）

（硃批）依議

戶部題本

少保兼太子太保戶部尙書臣交羅郎丘等謹題爲湖南驛遞馬貴協濟嚴催不解謹陳驛困至極情形仰祈睿鑒事  
湖廣清吏司案呈奉本部送准兵部咨前事內開車駕清吏司案呈奉本部送兵科抄出該本部題覆偏沅巡撫袁廓  
宇題前事內稱竊照臣自上年叁月入境由長達寶目擊湖南驛遞夫馬苦累大有不忍言者先年湖南承平無事各  
有原額站銀自足供用自寇亂以來人民逃亡各縣皆除荒徵熟站銀不足無從設處軍機重大不敢有悞有司不能  
支持多推之里甲養馬走差私行幫貼而奸里馬戶借名科歛殘民困苦此湖南第一大害也臣詳查湖南驛遞分別  
衝緩除緩僻驛遞不通大路不計外其最衝者乃長沙善化湘陰湘潭衡山衡陽零陵祁陽攸縣在前攸縣共額徵夫  
馬站銀貳萬壹千玖百貳拾貳兩伍錢貳分今除荒止徵熟銀壹萬壹千貳百捌拾捌兩玖錢叁分柒釐玖毫肆絲則  
站銀比前減去多半而大賊未滅軍機殷繁除齋奏外凡經略督撫衙門馳報緊急軍情刻日刻時勢不得不間用驛  
馬則用馬比前增加數倍以不足壹半之站銀而應增加數倍之差遣則驛累民害有自來矣臣屢行驛傳道將緩僻  
驛遞站銀撥補協濟衝繁務足原額續據前任驛傳道臣于時躍共撥補攸縣夫馬貳項除荒站銀壹萬陸百玖兩伍  
錢叁分零止少撥銀貳拾肆兩零內湖南撥補銀陸千捌兩貳分零湖北撥補銀肆千陸百壹兩伍錢壹分零各計足  
原額臣卽已責成攸縣官養應付再與里甲無干永杜私幫害民之苦乃協濟不能應手馬價日稱騰貴各縣猶曉曉  
未已臣正在躊躇調劑間伏讀勅諭內一款近來各處驛遞疲累至極衝要地方尤爲困苦皆因馬價草料工食等銀  
不敷支用民力旣窮馬亦隨斃買補之費仍出於民民困如此勢必致驛政盡壞道路不通著戶兵貳部行各督撫察

地方衝僻及路程遠近每驛應用馬匹草豆鞍轡夫役工食數目錢糧見額若干應補若干逐一確算造冊奏報應用錢糧准於應解正項錢糧內動支原解缺額該部另行酌議務期久遠可行凡從前倒塌驛站責令各地方官速行料理如因仍廢弛著該督撫察明併道府題參究治欽此仰見我皇上深居九重洞晰驛因明照無遺臣即膽黃發各道再加確議以無負皇上愛民至意日見各縣恐其復累條議盈案各籲請加增動以千餘計者臣嚴行駁查計差用馬因馬酌費馬銀夫銀通融支銷稍可支持然而究其請增之由蓋以湖南原不產馬皆市之北來各營販賣每匹需價肆伍拾兩不等又多水草不服差使緊急或數月而倒斃或月餘而即斃以致年年買馬年年不敷卽一縣儘力撐持多不過買馬叁肆拾匹便需銀壹千叁肆百兩少者買馬貳叁拾匹亦以千計額銀有限馬價繁多一時爲難併豆草工食人夫鞍轡等項所費俱不可少此其一苦也今雖撥補有湖南湖北協濟銀兩在湖南地方荒殘各州縣因考成日嚴各急正項視協濟爲緩務日日守催尙解不及時而湖北道路遙遠江湖阻梗嚴行守催拾未解壹在捌縣買馬費用刻難稽緩而遠水不能濟急困累難支此又其一苦也再如湘潭至衡山計程貳百里原有腰站黃茅驛又如衡陽至祁陽計程壹百捌拾里有腰站排山驛原係肆縣撥馬適中接換因以錢糧不敷未經起站致馬有長途遠跬日見疲斃臣俱已嚴行設法起站而除荒未足之額銀均應著驛傳道如數撥足者但值此錢糧匱乏度支不足臣自愧不能生財裕國而何敢奢議濫費自干罪責惟湖南傷殘之極所在用兵必事事曲體補救庶得漸起生機力圖安集臣愚謬議將湖南撥補協濟銀聽臣就近自催支用將湖北撥補協濟銀肆千陸百壹兩伍錢壹分壹釐貳毫俱行令湖北各州縣照數改解布政司抵兌正項凡湖南捌縣各將應撥解藩司正項銀兩照數自動開銷一轉移間額既不

虧驛可立蘇矣又惟長善等捌縣目前買馬一起措費實難爲力或各准動正項銀伍百兩協助買馬拾餘匹止動買一次後用額銀年年接支再不輕動此仰懇皇恩浩蕩非臣所敢自必也卽云一時暫虧正賦然臣今年勸相開懇荒田亦多年終彙報照例挨年起科或亦可少補所動之正項也除將驛傳道開造捌縣荒熟站銀撥補湖南湖北各州縣協濟足額銀兩及各道議報捌縣應用馬價豆草等項細數造冊咨送戶兵貳部查核外臣謹會同督臣祖澤遠撫臣林天擎合詞具題伏乞勅部議覆施行事關備陳驛困字稍逾格更祈鑒宥等因順治拾貳年捌月貳拾陸日題玖月貳拾肆日奉旨該部議奏欽此欽遵抄出到部批司查議隨經司議呈堂該臣等看得偏撫袁廓宇疏題湖南地方荒殘驛遞困苦如最衝者長沙善化湘陰湘潭衡山衡陽零陵祁陽捌縣所有應協銀兩屢呼不應不能濟事今議將湖北各州縣應協長善等捌縣銀肆千陸百壹兩伍錢壹分壹釐貳毫俱行令各該州縣照數改解藩司抵兌正項凡湖南捌縣各將應解藩司正項照數扣留動用等因似屬妥便相應如議至於長善等捌縣請動正項銀兩買馬應否准從請勅戶部議覆者也等因順治拾貳年拾月拾壹日題本月拾貳日奉旨依議欽此欽遵抄部送司咨會到部送司奉此相應議覆案呈到部該臣等看得湖南地方荒殘驛遞疲困今偏沅撫臣袁廓宇奏稱長沙善化等縣驛遞最衝因湖北州縣協濟銀肆千陸百壹兩有奇屢呼不應議湖南各屬正賦那應其湖北應解協濟銀兩轉解藩司算抵長善等縣正賦似屬妥便業經兵部覆奉俞旨無容再議其長善等捌縣驛馬不敷撫臣奏請暫動各縣正項銀伍百兩協助買馬查湖南軍需孔亟正項錢糧未便輕議合應請勅該督撫責令各屬於驛站應用銀內通融買補毋致疲困可也相應具覆恭候命下臣部轉行遵奉施行臣等未敢擅便謹題請旨順治拾貳年拾壹月貳拾柒日少保兼太

子太保戶部尚書臣交羅郎丘尚書臣戴明說左侍郎臣畢里克兔左侍郎臣王弘祚右侍郎臣交羅耳得右侍郎臣海爾兔右侍郎臣柯永榛右侍郎臣朱之弼啓心郎臣巴格啓心郎臣任治國啓心郎臣曹邦額者庫臣化善湖廣清吏司副理官臣石藍太湖廣清吏司署司事主事臣湯有慶

（硃批）是依議行

吏部殘題本

太子太保吏部尙書臣宗室韓岱等謹題爲請定優卹之例以彰勸忠之典事准兵部咨稱職方清吏司案呈該偏沅巡撫袁廓宇題前事內開案查順治拾貳年正月貳拾玖日准兵部咨開職方清吏司案呈奉本部送兵科抄出該本部覆提督廣西總兵官線國安題前事等因順治拾壹年柒月拾陸日題玖月貳拾日奉旨著察議具奏兵部知道欽此欽遵抄部送司案呈到部該臣等看得都司僉書管守備事許泰提督鎮臣線國安疏稱征剿湖南新田等處抵敵陣亡查案未經報部難以議卹應勅下湖廣督撫查明具奏等因順治拾壹年拾壹月貳拾壹日奉旨依議行欽此欽遵抄部送司案呈到部備咨到臣隨牌行分守上湖南道確查廣西提標守備許泰當日新田征剿陣亡真切情形速報去後今據分巡上湖南兼管分守上湖南道張武烈呈據衡州府轉行新田縣知縣沈維垣呈稱奉文查許泰陣亡緣由隨據兵書稟稱當日曾聞守備許泰果帶兵至石家崗與周金湯對敵陣亡併無塘報在案等情具由回報到道據此該本道查得守備許泰於順治柒年正月內征剿新田石家崗周逆對敵陣亡據該縣回報事果有之竝無塘報在案或因玖年賊犯湖南文卷遺失故也相應據實轉報等因到臣該臣看得廣西提標守備許泰死難在順治柒年正月內查臣衙門舊案原未有塘報許泰陣亡情由今行據該道查報前來亦稱無塘報在案理合據實回奏臣謹會同督臣祖澤遠撫臣林天擎合詞具題伏乞勅部覆議施行等因順治拾貳年肆月貳拾陸日題伍月貳拾捌日奉旨兵部知道欽此又該廣西巡撫候代陳維新題爲閩門殉節主祀無人乞恩代題承襲以隆皇恩事內稱順治拾壹年拾月拾捌日准兵部咨職方清吏司案呈奉本部送兵科抄出該本部覆吏科外抄吏部尙書劉正宗等題前事內稱

該臣等看得廣西死難各官先經巡撫陳維新密題詳查失陷緣由一疏內開在城各官及被難殉節有無投賊獻印情絲查確再報奉有俞旨今吏部覆靖南王耿繼茂題爲闔門殉節主祀無人乞恩代題承襲一疏內議曹盛祖死難情節應候兵部議送到日再題承襲奉旨在案欽此查隨定南王下死難各官不止曹盛祖一人應勅下該督撫及提督線國安確查當日各官死難情絲並職名及有無嫡親子弟具題以憑臣部察核議覆可也恭候（下缺）

（硃批）依議

臣等查得廣西死難各官先經巡撫陳維新密題詳查失陷緣由一疏內開在城各官及被難殉節有無投賊獻印情絲查確再報奉有俞旨今吏部覆靖南王耿繼茂題爲闔門殉節主祀無人乞恩代題承襲一疏內議曹盛祖死難情節應候兵部議送到日再題承襲奉旨在案欽此查隨定南王下死難各官不止曹盛祖一人應勅下該督撫及提督線國安確查當日各官死難情絲並職名及有無嫡親子弟具題以憑臣部察核議覆可也恭候（下缺）

江西巡撫殘件

(下缺) 祥王賢伍名內鄒明佐□□□□□□□□張其餘勅箭追出另繳□□□□□□□□奎日據分守湖東道  
申稱奉憲□□□□□□□□躍協同朱仲山前來招撫僞總兵王祐等本道即密行永豐縣協同招徠去後隨據僞總兵  
王祐帶領標員胡朝即胡長卿張翊明張飛虎陳良永赴道投見呈爲傾心就撫直陳妄情事祐籍楚北職戎湖南自  
順治捌年間妄受永曆公勅壹道與潘永禧張自勝吳汝學等出犯江右各領關防壹顆分道聯絡永禧等俱已敗事  
□東其公勅存之祐手自覺罪犯天條歛跡新淦山中分守數載禍於本年奎月間有任國璽自雲□齋出將軍方印  
壹顆專勅壹道祐恐機事不□未免害成只得領下私付鄒見田手深藏前因新喻之變則瓜田李下豈無嫌疑故隻  
身奔入九仙寨上以圖萬全雖有脅從之輩並無輕舉之跡今爲朱仲山彭理供報罪當不赦幸逢部院廣皇仁之浩  
蕩出招撫之令德復蒙天臺金諭諄切勸化差役協同部院差官齋示給賞花紅袍帽等件到山祐即率標員僞副將  
胡朝即胡長卿張飛虎張翊明僞參將陳良永出見天臺蒙賜殊恩獎賞祐之原受公勅關防見在呈繳其新領方印  
勅書實未隨身俟至會省旋著家丁取□獻繳其餘聯絡各府諸人俱受祐箭如徐兆魁尹耀祖等另單載報以憑招  
徠終其撫局事屬直情理合詳報並繳僞恢剿總兵銅關防壹顆僞公勅壹道僞西秦二藩令諭貳張等情到道據此  
該本道看得王祐等之狡謀逞變誠爲地方大患若非發覺之早其流禍可勝言哉今奉憲檄嚴諭更且遣官齋示撫  
其來歸本道敢不仰體德意竭力盡心爲地方保安即與吳參將及府廳縣等官復又協差宣諭幸藉本部院威信覃  
敷翻然來歸誠巖疆之大幸爲屬吏所欣觀也合就撥發兵丁起送本部院軍前投見等情到臣臣即當堂查驗給賞

花紅袍帽詢其遍布黨羽作何招徠銀印專勅見在何處一一據實具稟以憑查奪當據王祐稟稱祐之申合頗廣統轄甚衆臨江叁拾陸將皆祐部下聞祐今在轅門自然盡出來歸祐之勅印前付鄒見田收藏今聞尙在吉安僞監軍副使朱館臣等處若再齎發差官前去宣諭自然人印俱來其餘聯絡各僞職祐可一力擔承悉歸標下決無煩折一矢斷一弦而壹拾叁郡可以置之磐石以報本部院知遇之恩又據稟原有龔典謨一員爲祐監軍前同往九仙山後回籍南昌省親又有僞副將徐兆魁卽徐子先向委聯絡安仁等處後往吳城貿易又有僞副將胡溥楊威傳登雲尹耀祖卽尹七僞叅將萬錦劉光祖毛團雲俱祐標將今聞祐蒙恩宥罪俱願出身投見以圖報效見在轅門統乞收錄安插其拾貳副將除陳參兩不知去向外內止胡士光尹多高祐光李象乾鄒萬敵伍名離合聚散遠近不常猝難一時俱齊容祐尋覓招徠悉赴軍前投到等情又於捌月貳拾日據分巡湖西道申稱遵奉憲臺差標下守備劉廷佐持□封公文著落王崑尤追繳彭瑀僞經略勅印行據永新縣招出僞監軍副使王崑尤卽王琳申解前來據供與吳學起並無一面之識銀印勅笥何曾藏在琳處無憑起送合將王琳解赴轅門聽候詢奪等情前來臣思勅印未獲終貽後□之累而王琳鄒見田亦係轉相寄託實非經手之人自必再押朱議濬前往吉安遍覓勅印下落併招出朱館臣等方克有濟於是選差標員守備劉廷佐併高有名何萬里協同朱議濬彭瑀王琳星去□安地方尋覓□□□必獲併檄臨江府（下缺）

平西王吳三桂等題本

平西王臣吳三桂定西將軍固山□眞侯臣墨勒根蝦□題爲兵食匱極懇乞勅部速行接濟以免枵腹事竊照兵丁餉銀月米馬四草料自拾貳年玖月以來匱乏已經伍月卽玖月壹月給過者每丁口米不過叁升每馬草不過四束豆不過叁斗各兵典當無資饑寒迫切臣等目擊情狀不忍坐視特爲具題伏乞皇上勅下該部速行接濟庶不致枵腹待斃也緣係兵食匱極懇乞勅部速行接濟以免枵腹事□□等未敢擅便爲此具本專差蝦楊光德筆帖式卜思泰齋捧謹□請旨順治拾叁年正月初玖日平西王臣吳三桂定西□軍固山額眞侯臣墨勒根蝦

（硃批）戶部速議具奏

平西王吳三桂等原本

湖廣總督祖澤遠題本

欽差總督湖廣等處地方軍務兼理糧餉太子少保兵部尚書兼都察院右副都御史臣祖澤遠謹題爲請徵遼餉明示以便遵行事順治拾貳年拾貳月貳拾日據湖廣布政司呈奉臣牌准戶部咨湖廣清吏司案呈奉本部送戶科抄出本部覆臣題前事奉旨戶部察核具奏欽此欽遵抄部送司奉此相應議覆案呈到部該臣等看得楚省加增玖釐原額柒拾肆萬貳千肆百柒拾陸兩有奇內除潞莊長沙減去銀玖萬兩又節年減少銀壹拾貳萬陸千陸百叁兩貳錢零實定伍拾貳萬伍千捌百柒拾貳兩玖錢此刊書所載昭然可考今楚督奏稱按糧科算并明藩置買之田共得玖釐銀伍拾貳萬伍千壹百貳拾兩零較之明季減定之數尙少柒百伍拾貳兩玖錢其潞莊所減玖萬兩明季節年減少拾貳萬陸千陸百兩相應照數仍徵其玖釐銀兩原係照畝科徵今該督何得按糧混算合應請勅該督撫照原額派徵錢糧重務宜貴清核詳悉如仍前朦混不清該督撫不能辭其咎矣等因具題奉旨依議飭行欽此欽遵抄部送司備咨前來煩轉檄藩司嚴督各屬徹底查核務期比照舊額以裕國課施行等因准此備牌行司卽查前項遼餉楚省原額是否與部開數目相同其潞莊長沙減去玖萬兩是何年分因何事減去又節年減少壹拾貳萬陸千陸百叁兩貳錢零陸釐查明是何年分所減是何州縣因何事減免今應照數仍徵其前報應徵餉銀較明季減定之數何又短少柒百伍拾貳兩玖錢至於玖釐遼餉部文云原係照畝科徵前該司何得按糧混算俱要逐一清核備細明白通詳以憑酌奪等因奉此又奉林巡撫牌行同前事奉此該本司左布政使張鳳儀查看得楚省玖釐畝餉檢查梁廷棟刊疏原開額銀陸拾伍萬貳千肆百柒拾陸兩內稱節年減少壹拾叁萬陸千肆百壹兩有奇實止額銀伍拾壹萬